

武陵縣志卷之四十一

同治王
戊編成

陽湖 譚世臨鑒定

邑人 陳駿遠纂輯

人物志第七

流寓

周

屈平楚人也為楚懷王左徒上官大夫害其能讒之王遂見疏頃襄王立放於江濱乃作離騷有朝發於涪夕宿辰陽之句後自沈汨羅而死

史記記屈平為楚同姓未分著其郡縣王逸以為南陽人水經注以為歸州人其非邑人明甚明一統志載入常德

武陵縣志

卷之四十一

人物志 流寓

人物府志相沿未改今據朝發在涪之語列於流寓庶幾得之

漢

王儁汝南人少為范滂許章所知公車徵之不至避地武陵歸之者百餘家獻帝都許徵為尚書復辭終於武陵曹操之下荆州自臨江迎其喪改葬江陵

魏志

梁

沈約字休文武康人祖林子以佐命功封漢壽縣伯食邑六百戶父瑒淮南太守約年十三遭家難潛竄會赦免蔡興宗為郢州刺史引為安西外兵參軍兼記室齊高祖受禪封建昌侯諡曰隱

南史

案名勝志載約為沅南令史無所考祖林子封漢壽縣
從父伯玉少除武陵國侍郎後除南臺御史轉武陵國詹
事終於元徽之季約孤
貧流寓或嘗至武陵也

唐

張旭吳人與賀知章為飲中八仙過武陵有桃花谿詩

孟浩然襄陽人隱居鹿門山有武陵泛舟詩

王昌齡江甯人貶龍標尉經武陵有留別武陵詩贈答田太

守詩

賈參寥垂拱中隱武陵著莊子通論三卷 唐書

宋

管師復浙江龍泉人與弟師常俱有盛名從胡安定學仁宗

武陵縣志

卷之四十一

人物志 流寓

二

時召至問曰卿所得何如對曰滿塢白雲耕不盡一溪明月

鈞無痕臣所得也不受職隱居武陵自號曰白雲先生

案白雲先生姓字里居史無所考明統志作武陵人府志
湖南通志因之而姓氏族括蒼彙紀均作龍泉人今據二
說正之

劉安石魏人紹聖中為章惇所陷謫居鼎州 一統志

黃廷堅字魯直分甯人嘗遊武陵有文殊山雙松亭詩

紫荊寺亦有黃公洗墨池 府志

王敏字稚川元豐初調官京師寓鼎州年九十餘矣嘗聞

人家歌舞醉歸書其旅邸壁云雁外無書為客久蠻邊有

到家多畫堂玉佩縈雲響不及桃源歎乃歌黃山谷手書此

詩云余訪稚川於邸而和之今集中有次韻王稚川客舍一首云身如病鶴翅翎短心似亂絲頭緒多此曲朱門歌未得

湖南湖北竹枝歌卽和王徃者也

府志

姜夔字堯章號白石道人鄱陽人嘗遊武陵後流寓吳興有詞序云余客遊武陵湖北憲治在焉古城野水喬木參天子與二三友日蕩舟其間意象深邃不類人境秋水且濶荷葉出地尋丈因坐其下上不見日清風徐來綠雲自動間於疏林處窺見遊人畫船亦一樂也

朱竹垞詞綜

張廷堅廣安軍人以不附蔡京附列黨籍編管鼎州

一統志

杜昉初判密州高宗建炎初寓居武陵會賊鍾相亂強脅之

武陵縣志

卷之四十一

人物志 流寓

三

使從昉憤罵不絕遇害

一統志

張棖字敬夫乾道時講學嶽麓遊武陵甘泉寺署榜曰萊公

泉

府志稿

師巖字道立襄陽人讀書識大義喜槊射自園中拔身走行在上書論事不報拂衣去終武陵客居詩

谷音集

唐世英字秉圭金華人宋推官唐欽子以台州指揮使從軍常德宋亡訪虛白遺蹤隱平山元世祖徵之不赴避居荏渚之源至大三年授萬戶賜官莊調征雲南復詔鎮鼎澧皆不

就

增

明

楊宗壽字仁山吉水人靖亂兵起抗節不仕攜子克銘隱居
武陵府志

何景明字仲默信陽人奉使貴州經常德有發武陵詩八首
府志

王守仁字伯安餘姚人正德二年以吏部主事謫貴州龍場

驛丞過武陵寓潮音閣與莫元亨蔣信講學五年歸復過郡

城信宿桃岡講舍論靜坐為補小學收放心之功通志

孫應鰲字山甫揚州人由翰林歷官湖廣布政巡撫鄖陽慕

蔣道林學至武陵會講桃岡買田宅一區將終老焉尋還籍

展墓卒於家府志

武陵縣志

卷之四十一

人物志

流寓

四

袁宏道字中郎公安人扁舟入武陵寓德山乾明寺與龍膺

龍襄唱和著有廣莊暑譚府志

曹應昌字石霞麻城人崇禎癸未進士授知縣不任吏事棄

官歸訪唐訪於武陵留在渚最久有德山饒香集德山志

鍾惺字伯敬竟陵人萬曆乙卯典試貴州過武陵與楊嗣昌

遊德山於榛莽中得一碑闕然如礪有文可按由偏旁得字

由字得句知為元丞相送僧歸楚之作有和詩增

譚元春字友夏竟陵人幕遊桃源寓武陵數月題詠最多府志

艾南英字子東鄉人天啟庚申客武陵寓大善寺有為寺

僧募白衣大士像序

國朝

陳士本字立也武進人庚熙甲辰觀察岳澧時道署在郡城

丁未移駐澧州遂流寓焉工篆書邑人珍藏之有同曹應昌

登孤峯詩 府志

朱定元字象乾貴州人康熙癸巳舉人雍正六年以知縣累

遷至山東巡撫入為內閣學士以子文彬居武陵引歸就養

卒年八十四著有靜甯堂詩集 增

查慎行字初白海甯人康熙己未副都御史楊雍建撫黔聘

入幕寓武陵最久再遊德山為雨雪所阻留乾明寺有次周

必大石刻詩韻登朗州城詩 府志

武陵縣志

卷之四十一

人物志

流寓

五

郭毓字春林諸暨人好學著述盈尺遊武陵值大水無所棲

止陳詩滂見而異之館於家為校定其父長鎮全集序而行

之 府志

朱文震字青雷歷城人好學工詩書宗漢隸游武陵與朱景

英相友善 府志

彭成泰祁陽人有氣節家饒裕往來江漢間揮霍鉅萬讓產

兄弟寓武陵子元英拔貢知永清縣 府志

徐宗德字龍光吳縣人道光時僑寓武陵善畫尤工人物喜

與文士交非端人雖重金購其畫不可得性最孝父喪哀毀

骨立百日不飲酒居常蔬食有餘以濟貧乏後遊峩眉不知

所終

易元健字復堂湘鄉人寓武陵年九十餘卒著有雪鴻圖詩集

劉元爽湘潭人雍正庚戌進士主朗江書院講席有知人鑑所賞識悉登甲乙科

張九鑑湘潭人乾隆丁巳進士歷官川東道主朗江書院講課士嚴日必鎖院惟兩啟鑰納薪水生徒無踰閑者

羅典字慎齋湘潭人乾隆辛未進士歷官鴻臚寺卿主朗江書院講性嚴重不苟言笑日具冠服與生徒說經憂愉如一

體主講五年多所造就著有五經管見

武陵縣志

卷之四十一

人物志

流寓

六

鄧顯鶴字湘臯新化人嘉慶甲子舉人官甯鄉訓導道光中主朗江書院講博學嗜古蒐羅文獻孜孜不倦教士不設程度亦無不率教者

按以上四人皆以禮聘主講席似不得謂之流寓第名流所益俱得引以為重而其成就後學亦有不可忘者故附見於此

論曰山水奇秀之樞必有高賢逸士窟宅其間彬雅之儒復加以標題吟咏而後名蹤勝蹟垂於有永邑為楚南奧區名勝甲諸州郡生長於斯者率習而未之奇也惟遠宦遷謫窮愁羈旅之人登高望遠發於詩歌其名易播而其傳尤遠篇中所紀雖時代云迺而文采風流嗜古者猶將日

暮過之也

武陵縣志

卷之四十一

人物志

流寓

七

武陵縣志卷之四十一終

同治癸亥
銀本